

La Arge Alp puspè en mauns grischuns

La forza idraulica stat en il center dal presidi grischun da la Arge Alp

■ **(cp) Il presidi da la cuminanza da la-vur da las regiuns alpinas (Arge Alp) va da la Baviera al chantun Grischun. A la conferenza da las scheffas e dals schefs da las regenizas en Baviera ha la presidenta da la regenza Barbara Janom Steiner surpiglià il presidi per in onn. En ses onn da presidi vegn il chantun Grischun a far la forza idraulica sco tema central.** A la conferenza da las scheffas e dals schefs da las regenizas da la Arge Alp a Lautrach en Baviera ha il chantun Grischun surpiglià – conform al turnus – il presidi da la Arge Alp per in onn. L'ultima giada ha il Grischun gè quest presidi ils onns 2008/2009. A chaschun da la scuntrada da las scheffas e dals schefs da las regenizas ha la presidenta da la regenza *Barbara Janom Steiner* preschentà ils puncts centralis da l'onn presidial dal Grischun. En il center stat il tema da la forza idraulica en il territori alpin. La forza idraulica è la funtauna d'energia la pli impurtanta dal territori alpin e d'ina gronda impurtanza per l'economia publica da las regiuns da muntogna. En Svizra vegnan producids en media circa 60 pertschient da l'electricitad en ovras idraulicas. Circa in tschintgavel da quella deriva dal Grischun ed è per il chantun in bain d'export impurtant. Ultra da quai dat il sectur da la produzzion d'energia cun forza idraulica lavur a passa 400 personas en il Grischun. Sco funtauna d'energia natirala, regenerabla e per gronda part libra d'emissius presta ella ultra da quai ina contribuzion essenziala a la protecziun dal clima. Pervia da quai vegn il chantun Grischun a metter durant l'onn da presidi in cler accent sin l'utilisaziun da la forza idraulica en il territori alpin.

Accents politics durant l'onn presidial

Cun in simposi davart il tema da la forza idraulica durant l'onn presidial dal Grischun duai vegnir accentuada l'impurtanza da la forza idraulica per l'economia

publica dal territori alpin. La finamira dal simposi è er quella da mussar las schanzas che l'utilisaziun da la forza idraulica porscha. Il simposi dat la pussaivladad da discutir quest tema cun personas da la politica e da l'economia.

Per la fin da l'onn presidial duain vegnir deliberadas duas resoluziuns a la conferenza da las scheffas e dals schefs da las regenizas dal zercladur 2018. Ina resoluziun s'occupa dal tema principal da la forza idraulica e vegn a mussar sia impurtanza per l'economia publica dals pajais alpins sco er co che questa branscha po vegnir mantegnida resp. rinforzada en il futur. Cun ina segunda resoluziun davart il tema da la cuntrada da furmazion en il territori alpin duai vegnir rendi attent ad ulteriurs giavischs da la politica regiunala e dal territori da

muntogna, spezialmain en il sectur da furmazion.

Resoluziuns deliberadas

A la Conferenza da las scheffas e dals schefs da las regenizas a Lautrach, Baviera, èn vegnidas deliberadas duas resoluziuns davart ils temas da la mobilitad e da la connectivitat en il territori alpin sco er tractà il futur da la collavuraziun transcunfinala. Las scheffas ed ils schefs da las regenizas han beneventà las mesiras da spustar transports sin meds da traffic ecologic ed han punctuà l'impurtanza da cuntinuar en moda speditiva cun l'engondiment necessari da las raits transeuropeicas da traffic centralas (TEN-V). Las personas responsablas sin plaun dals stadis naziunals e da la UE duessan pervia quai avair quità che l'infrastructura da

viafier en il territori alpin vegnia engrondata vinavant conform als basegns. Sco la colliaziun optimala e persistente tar il traffic è er la colliaziun digitala d'ina impurtanza centrala. Il tema da la connectivitat e da l'extensiu dal bindel ladstuess pervia da quai vegnir prendi per mauns cun la medema prioritad.

En la segunda resoluziun han las scheffas ed ils schefs da las regenizas punctuà la gronda impurtanza da la collavuraziun transcunfinala regiunala. La Arge Alp ha cumprovà che cooperaziuns raschunavlas – betg mo sur la politica exteriura naziunala – pon vegnir realisadas cun avantatgs per tuts. Ella ha mussà clemain che sfidas transcunfinalas duain vegnir prendidas per mauns sin plaun regiunal dals pajais, da las regiuns, da las provinzas e dals chantuns pertutgads sco

er cun integrar la populaziun locala. Perquai formuleschan las commembras ed ils commembers da la Arge Alp il giavisch d'intermediar anc meglier la plivalur da la collavuraziun transcunfinala. I ston vegnir fatgas stentas pli grondas per explitgar als umans ils avantatgs da la cooperaziun cun ils pajais, cun las regiuns, cun las provinzas e cun ils chantuns dal territori alpin.

Projects grischuns

Il chantun Grischun ha lantschà in nov project dad Arge Alp davart il tema da la furmazion.

A la conferenza da las scheffas e dals schefs da las regenizas da quest onn è vegnì approvà il project «Online campus territori alpin». Il project vul mussar cun agid d'ina plattafurma d'internet la puschida da studi e da perscrutaziun en il territori alpin e promover uschia la percepziun da la cuntrada da scolas autas en il territori alpin.

In l'ulteriur project sut la direcziun dal Grischun è «Arge Alp sport». Il project vegn realisà dapi 10 onns cun success ed è in simbol per ils sforzs comunabels dals pajais da las Alps a favur d'ina promozion persistente dal moviment e da la sanadad en il territori alpin. L'onn passà han participà stgars 1830 sportistas e sportistas a las nov concurrenz che han gè lieu en l'entir territori alpin.

En la cuminanza da lavur da las regiuns alpinas (Arge Alp) collavuran ils suandants stadis federativs e chantuns sco er las suandantas provinzas e regiuns dals quatter pajais Germania, Italia, Austria e Svizra cun ina populaziun totala da ca. 26 milliuns umans: Baviera, Grischun, Lombardia, Salzburg, Son Gagl, Tessin, Tirol, Tirol dal sid, Trentino e Vorarlberg.

Tut las infurmaziuns davart l'onn presidial dal Grischun èn consultablas sut www.gr.ch/argealp ed infurmaziuns generalas davart la Arge Alp vegnan messas a disposiziun sut www.argealp.org.



La ministra dal stadi Beate Merk surdat il presidi da la Arge Alp a la presidenta da la regenza Barbara Janom Steiner.